



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

Name of School : BUDDHIST TAI HUNG COLLEGE

學校名稱 : 佛教大雄中學

Name of Play 劇名 : 愛與夢飛行

Script writer 劇作者 : 葉佩珊 (學生)

Synopsis 故事大綱:

這是一個橫跨三代，關於愛和夢想的故事，是阿牛、牛仔和敏音三代人與夢想的故事。三代人各有他們的夢想，但現實總會阻撓追夢的旅程，夢愈來愈遠，愛亦漸被遺忘，親子關係逐漸疏離。這結，應如何解開？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第一場 牛爸年輕的夢想

【音樂起。】

【燈亮，音樂淡出。】

敏音:依個係一個橫跨三代，關於愛同夢想嘅故事。首先出場嘅係阿牛。

【阿牛從台右出，他拿著課本走往石壘，埋頭苦幹地讀書。】

敏音:係呀，佢真係叫阿牛㗎!佢全名係程大牛，係程家嘅九代單傳。阿牛喺元朗嘅掃管笏村長大。佢爸爸係一個菜農，而媽媽就係擺啲菜去街市度賣嘅小販，一家人自給自足，過住清貧，但係又簡單愉快嘅生活。1971年，阿牛18歲，係村校裡頭出咗名勤奮好學嘅高材生。

【一群村民出，他們在遊玩著，村長兒子及同伴在打籃球。】

村民一、村民二：我哋今日做咩好呀？

村民三、村民四：（指向村長兒子及同伴）你哋睇下個邊！

村民一、村民二：嘩，好靚仔呀！

敏音:你哋睇到啦，當所有人都喺度嘻嘻哈哈嘅時候，只有佢喺度刨書。【離場】

【惠玲拿著報紙，衝了進場。她是可人兒，很多男同學都很喜歡她，借故親近她。】

惠玲(青年):【興奮地宣告】大新聞呀，大新聞呀!【眾人都停下本來正在進行的事情，走過惠玲處看過究竟】蘇聯火星3號探測器，喺火星成功登陸呀!

村長兒子:【搭著惠玲的肩膀】嘩!咁話唔定我哋第時可以去火星旅行㗎!

村口兒子同伴:【倚近惠玲】你話個度會唔會有外星人吖嚟?

【惠玲不知如何迴避的同時，眾人議論紛紛。】

【坐在石壘大力合了書，站了起來。】



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

阿牛(青年):【不悄】大驚少怪。【欲走】

村口兒子同伴:喂!程大牛，你話邊個呀?

阿牛:【停下來】你兩個呀。

【眾同學鼓譟起來，村口兒子的同伴更欲衝過去打阿牛，但被惠玲拼命拉住。】

村長兒子同伴:你唔好以為讀書叻就大晒喎!

阿牛:【嘆了口氣】淨係識得郁手郁腳。

惠玲:唔好啊!

村長兒子同伴:【更火大了】縮手呀惠玲!

【村長兒子同伴掙脫開，一拳打了在阿牛的險上。】

阿牛:【掩著面，冷冷的望著村長兒子的同伴，向前行了兩步】你滿意啦。

【村口兒子按住了同伴的肩膀。】

村口兒子:【對阿牛】我哋走。【轉身揮手示意大家離去】

村口兒子同伴:哼!【與村長兒子一同離去】

村民一:無野睇啦!

村民三:咁走喇!

【剩下阿牛和惠玲二人。】

【二人靜了好一會。】

惠玲:【打破沉默】阿牛..... 阿牛:【忍不住】佢哋擺到明對你毛手毛腳!點解你唔出聲呀! 惠玲:咁佢係村長個仔.....我爸爸又喺佢屋企打工.....

阿牛:咁就可以由得佢亂咁嚟喇咩!【怒打石壘】

【惠玲看著這個跟剛才態度判若兩人的阿牛，不怒反喜。】



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

惠玲:你嘅心意我明白㗎。

阿牛:【聽罷感到尷尬】你明咩吖!

惠玲:明白你第時想做太空人嘅原因囉。

阿牛:【即時四周張望】噓!唔好咁大聲呀!俾人知道就實俾人唱我發白日夢呀!

【惠玲笑了，走了過去石壘坐下。】

惠玲:為咗細個嗰陣時嘅承諾?

【阿牛點頭。】

惠玲:唔駛太勉強㗎，只不過係我同你細個嘅夢想.....

阿牛:【沖口而出】唔係呀!同你一齊上太空睇星星已經成為咗我嘅人生目標!

【一靜。】

阿牛:我想離開條村，去香港大學讀書呀。

惠玲:【吃驚】點解呀?你喺度讀得好地地，成績又好，而且仲有半年就畢業喇.....

阿牛:喺村校畢業，學歷唔會俾主流社會承認㗎。而且唔出去讀大學，我最多都只可以喺返村校度教書，我永遠都有可能有機會做到太空人。

【惠玲默然。】

阿牛:我同阿爸講好咗㗎喇。如果下星期嘅面試成功，我會搬去港大嘅宿舍度住。之後邊做嘢邊讀書。

【望著低下頭的惠玲，安慰她】讀4年㗎咋!4年之後我一定返嚟接你.....同阿爸阿媽出去城市度住!

惠玲:【望著阿牛】你會返嚟接我.....?